

PAVLI BOMBINI
E SOCIETATE IESV
ORATIO
IN FVNERE COSMI II.
MAGNI ETRVRIÆ DVCIS IV.

Habita Mantuæ in æde S. BARBARÆ

SERENISSIMO FERDINANDO

*MANTVÆ, ac Montisferrati DVCE
funus magnificentissimum celebrante.*



MANTVÆ, Ex Typographia Fratrum de Ofanna, Ducalium
Impressorum. CIO, IO C, XXI. Superiorum permissu.

A. S. Gra Zamboni

THE FIRST PART

OF THE HISTORY

OF THE

IN THE REIGN OF

CHARLES THE FIRST

BY SAMUEL JOHNSON

IN TWO VOLUMES

LONDON: Printed by A. MILLAR, in Pall-mall

1729.



By the Author of the Dictionary of the English Language



ORATIO.



VCTVOSVM hoc principibus viris,
anni labentis initium, quo ab ipso Chri-
stianæ Reipublicæ vertice orta clades;
latius quam boni omnes voluissent, per
illustria sublimium viroꝝ capita per-
uagata est; domestico tandem, te quo-
que vulnere, clarorum, & parens, & altrix ingeniorum
Mantua, funestauit. Neque enim hunc, inter dome-
sticos luctus tuos, numerare, pro tua sapientia, recusa-
bis, quo COSMVM MEDICVM, Magnum Etruriæ
Ducem, immatura morte, tibi, Italiæ, orbi terrarum,
ereptum, verissimis lacrymis jam diù deflere perseue-
ras. Etenim, si, quæ naturæ lex est, Regum, recto-
rumque necessitudines, & caritates, populi etiam, ci-
uiumque reliquorum caritates, & necessitudines existi-
mandæ sunt: nullum vobis Mantuani proceres, & ci-
ues domesticum magis funus, ac proprium vnquam,
fuerit, quam quo MEDICÆ stirpis, pene dixi, Re-
ges, lugetis extinctos, è qua stirpe vobis Reges sunt:

Scilicet; & quos nunc imperantes colitis Principes, ex illo genere habetis: & quos imperaturos, haud scio optetis ne magis, an speretis; eadem origine prodituros, præscripta iam pridem huic imperio, quædam, quasi conubialis, à Deo lex pollicetur. Ita enim prægressis ætatibus receptum, ita hac nostra confirmatum video; ut commodasse ad speciem, & pompam præclarissimæ gentes aliæ; vna MEDICEA donasse ad perennitatem, & stirpem virgines regias, nostrorum Principum coniugijs, videantur. Est ergo non humanitatis modo, ut in hominem: non religionis, ut in piæ defunctum: sed pietatis, ut in vestrorum Ducum partem, & sanguinem: quod in COSMVM confertis Christianæ parentationis officium. Quàm sane parentationem, reliquo cultu magnificentissimam, & tuo excelso isto animo dignissimam, Serenissime FERDINANDE, si oratore etiam, qui cæteræ magnificentiæ responderet, ornare voluisses: non esset cur quicquam non augustum, funebri huic pompæ interspersum esse quæreteris. Qua in re, non voluntate tu quidem, sed, quod nimis benevolentis peccatum est frequens, æstimatione peccasti. Dum enim me, pluris quam æquum est, facis; meamque, si qua est, dicendi facultatem inter prima regis tuæ instrumenta ponis; ornaturum te, amantissimi Ducis funus, mea oratione credidisti; cuius tamen exilitate reliqua, quæ sunt amplissima, vel te ipso iudice, deterentur. Verum ut mea qualiscumque vox, tuis tandem auribus, imperioque seruiat: dicam de COSMO MEDICE Magno Etruriæ Duce pauca, sed quibus omnia contineri regiarum laudum ornamenta puto. Eaque non aliunde, quam ex ipsa Mediceorum Principum appellatione, seu maiul-tis titulo, petam. Hoc enim vnum, tota hac oratione
agam,

agam, vt Cosmum Medicem magnum Etruscae Ducem
vere, planeque, Magnum Ducem fuisse, contendam. Et
quidem, quam ille re Magnus non fuit? Genere ne;
an imperio? Priuatis ne virtutibus, an publicis? Sin-
gula, si libet, videamus. Genus illi quidem Medicum
fuit, & Lotharingum. quæ qui claritudinis nomina, non
gentis, esse non videt; hunc ego nihil videre, teste ter-
rarum orbe, conuincam. Quid enim hominum ge-
neri notius, quam ex MEDICEA gente Reges nasci:
Lotharingam ex Regibus? Enumerate Galliarum Re-
ges quatuor. Franciscum, Carolum, Henricum, qui
fuerunt: Ludovicum, qui est, bonoque publico diu erit:
Mediceorum genus per Reges numerabitis. Reginas in-
censum mittite. Catharinam, Mariam, Isabellas duas.
Mediceam stirpem per Reginas numerastis. Et eo
quidem illas conspectiores, quod amplissimi illius regni
finibus non contentæ, pomætia Mediceæ magnitudi-
nis ultra Calpen, & inaccessa Oceani claustra protu-
lere. Galliarum quippe Reginas ita duas, Catharinam,
& Mariam ex eo genere videtis: vt totidem Isabellas
Hispaniæ, regnatrici scilicet illi, nouorum etiam mun-
dorum, terræ impositas, indidem spectetis. Vt iam
Christianum orbem vniuersum, qui duplici illo Gal-
liæ, Hispaniæque cardine vertitur, Mediceæ Reginæ
versare, quasi fatorum genetis humani fuscum, heroico
fane lanificio, videantur. Videtis rerum magnitudine
obruui orationem meam. Qui enim Reginas ex Medi-
ceorum gente tantum quatuor in censum misi; id egi,
vt præsignia in maximis notarem, maxima omitterem.
Quis enim nescit etiam Margaritam Nauarræ Reginam
ex Mediceis olim ortam? Lotharingos Duces ex Me-
diceæ Reginæ sobole manasse? Christinam Subalpino-
rum,

rum, Inalpinorumque Principem; recens ex Mediceis
prodijisse? Ex eodemque genere, tamquam ex Regum
seminario, sibi Principes quæsisse Ferrariam, Vrbium,
Parmam, nam de Mantua, propria scilicet pene
Mediceorum sede, non loquor. Perinde quasi regnare
parum salubriter posse censeantur, quibus Medicæ
istæ manus non accesserint. Hæc pauca de genere. de
imperio pauciora. quod in Italiæ, terrarum principis
vmbilico, quasi corculum orbis terræ, situm; regni nomen,
quod alias in gentes propagavit, si sibi non assumptum;
modestiae est, hominum nihil ex ea gloria sibi decerpentium,
quam alijs conferant. Quod ne oratorie dictum magis
aliquis credat esse, quam vere: reuocate in memoriam,
quod frequenter arbitror, audistis. Duodecim olim,
nobilissimo illo Italiæ tractu, regna numerata, ad
splendorem magnificentissima, copiosissima ad opulentiam.
Vt ipsam quoque Romanæ potentiae speciem, & externam
pompe quasi faciem, ad Etrusci imitationem splendoris
conformotam, veteres prodiderint. Sed hæc nimis fortasse
antiqua. Illa recentia. Pattum, aurorumque memoria,
Respublicas idem clarissimas Italiæ oculus comprehendit
insignes tres. Senensem, Pisanam, Florentinam. Quarum
eam fuisse auctoritatem, & amplitudinem accepimus, ut
nihil sine earum armis potens, nihil sine consilijs prudens,
apud maiores nostros haberetur. Neque Europam modo,
earum aliqua, Asiam quoque terrore, & magnitudine sui
nominis quatefecit. Vt mirandum sit fuisse aliquando;
qui Magni Ducis appellationem, Etruriæ Principibus
nimiam iudicaret; cum hoc videatur Etruriæ proprium;
ut Magni, & titulum, & rem, quocumque se se infert,
ferat. Verum de externis hisce Cosmi ornamentis non
addam

addam plura : ne aduentitijs huiusmodi subsidijs ,
quasi corthurnis, & laciniolo syrmate, quod Choragi in
Orchestra faciunt, extollere tragicam personam voluisse
videar . Ad illa propero, quæ animo insita, interioris,
veriorisque magnitudinis imaginem, etiam sapientum
oculis exhibent . Virtutes loquor, seu priuatas, vt initio
proposui, seu publicas: quibus enumerandis, & Cosmus
laudari queat, & reliqui omnes, non modo Principum
vulgus erudiri, (nam & Principes suum vulgus habent).
Etenim mihi in Cosmum intuenti illud accidit, vt
exemplar, tum viri, tum Principis ad recti normam
exquisiti: hoc est hominis, tum priuatim sibi, tum
publice alijs optimi, in vno illo mihi videar intueri.
Et vero, vt quæ priuatam vitam attingunt, prius
breuissime exponam: quid in laudatissimo ciue, seueri
illi, fictarum ad imaginem virtutis, ciuitatum
artifices, animo vnquam comprehendere, & cogitatione
informare potuerunt, quod in Cosmo non viderimus?
Dicam paucis, quæ illi multis disputant . Quærunt
principio in suo ille ciue indolem in pueritia, ad
moderatorum obsequium lentam, & sequacem, quæq;
fingentis ducatur manu, non trahatur . Quærunt in
adoleſcentia modestiam, & inimicam proprijs lubricæ
ætatis illius vitij verecundiam . Quærunt in ætate
confirmata recti amorem, & continentiam . Deus
immortalis . Cosmum expresse dum virtutem
exprimere se putant . Quid enim puero illo
facilius, & obsequentius? vt ceræ cum nomine
prudens eius moderator sæpenumero appellaret.
Quid illo adolescente modestius? Quid verecundius?
Testes habeo locupletes, illum ducta etiam iam
uxore (duxit enim, vt scitis, adolescens) si quid
forte audisset minus caste dictum; non minus
prompte erubuisse,

*Terent.
in adelph.*

erubuisse, quam virgines soleant, seuera educatione, nihil magis vereri edoctæ, quam quo matres fiant. Quid denique ætate iam confirmata eodem illo continentius? Deum immortalem. Dicam ne, quod tacere nefas est auditores? Dicam. Neque vereor apud vos offensionem ex singulari eius viri laude, quem laudatissimum omnes vultis. Ea temperantia, ea castimonia Cosmus fuit, vt regij tori fidem, nulla vnquam alienæ contrectatione pudicitia violauetit. O Ducem vere magnum. Hoc est in magna voluptatum licentia, magnum dormitorem sui. Nox, vinum, adolescentia, persuadere flagitium: est opinor apud veterum nescioquem. Eaque ratione eleuari satis impuditiæ crimen magistri vitæ communis Coniici poëtæ arbitrantur, quod tres illæ voluptatum illecebræ blandissimæ, acres habere ad animum frangendum vires existimantur. Neque nimium exagitandus videatur, qui nimis earum viribus non nimis repugnarit. Quid de imperio, egregij morum doctores, dicerent? In quo cum omnia liceant, si aliqua fortasse placent; ea etiam decere viros principes, vulgo existimantur. Magna nimirum res est, hominem legibus maiorem lege regi, & in magna rerum omnium licentia, nihil sibi licere, præter magnam rerum omnium, abstinentiam, existimare. O te felicissimum, Etrutiæ Ducem vete Magnum, Cosme. Cui inter Principes vni eximie contigit, vt tu tibi lex, tu tibi viuendi norma esses, & regula. Eant nunc delicatuli isti voluptatum asseclæ. Excusent delicias, otium, ætatem, aquales, copiarum denique circumfluentis insidias. Duriorum hominum virtutem, esse temperantiam clament. Cum omnia pro se dixerint; Cosmi, Magni Etrutiæ Ducis, exemplo iugulantur. Sed hæc præludia magnarum
virtutum

virtutum sunt, quibus ille vere magnus fuit. Publicas virtutes dico, & Principis proprias, cum virtutes magnas dico. Quas equidem, late, per infinita fusa genera, quoniam temporis preminimur angustiis, commodè, vnica magnitudinis animi laude complectar. Quæ autem oratio eius magnitudinem animi adæquet, quæ terrarum orbem vniuersum incredibili mentis excelsitate complexus est? Circumspicite quæso vos plagas terrarum omnes, quæ se illa animi magnitudo distudit: Germaniam ad Septentriones. Africam, & immensam illam barbariem, ad Austrum. Galliam exiguo ad occidentem Solem flexu. Hispanias in ipso Solis occidentis cardine. Asiam in oriente contemplantini. In quam, ex his terrarum plagis, non ingenti exuperantis animi amplitudine inuasit? Germaniam, Galliam, Hispaniam, beneficiis, & affinitatibus: Africam, Asiamque terrore armorum, & classium compleuit. Nam de Italia quid dicam? Cuius ille nimis infaustos motus semper execratus, sæpe compescuit; consilij prudens, auxilijs expeditus, nullis impendijs deterritus, nulla diuturnitate fatigatus. Ferdinando quidem Cæsari leuiter, perduellium armis exercito, submisit auxilia. Quam oportune? Quam prompte? Quam liberaliter? Quam feliciter? Habuit enim hoc quoque eius magnitudo, vt cum nihil fortunæ committeret, omnia tamen faceret fortunate. Nollem obductum vulnus, auditores, vngue recordationis refricare. Sed vt grati animi sensus extet, moriunculam doloris aliquam feramus. Tenetis memoria funestum illum annum, quo repentinus è Subalpinis bellorum turbo publicam quietem, cum bonorum omnium acerbissimo dolore concussit. Qualis ille eo tempore in nos, & quantus fuit?

Vidistis effusum repente amantissime ærarium. Vidistis florentissimas copias momento conscriptas. Vidistis Franciscum Medicum, spei clarissimæ adolescentem, fratrem, eorum ductorem, belli fluctibus immissum: cum mallet suorum salutem periclitari Dux optimus, quam fidem suam. Et hæc ille omnia ad pacis consilia, vere pacator orbis Christiani dirigebat. Ut mihi eo iustius, quo incruentius, Ducis Magni, nomen meruisse videatur. Sed latius omnino præclarissimæ eius curæ processere. Inter duos illos Regum Reges, Gallum loquor, & Hispanum, exorta aliquando dissidia, quid cladium hominum generi intulerint, nimis alte, inusta incendij, superiore sæculo excitati, vestigia testantur. Periculum erat ne hæc eadem, rediuiua aliqua Erynnis, iterum inflammaret. Prouidit, qua erat sagacitate, Cosmus, orbis terræ periculum, & auertit. Nuptias inter puerum Gallorum Regem, Hispanique Regis filiam, æternæ, vti speramus, pacis autoramentum, auspiciatissimus pronubus conciliauit. O aurei vere nodi architectum. O cathenarum fabrum, quibus non minus regionum coniugum animi, quam bellorum, discordiarumque furores, vinciantur. Neque hic earum curarum finis. Erupit maleuolentia paucorum, & quodam subirati numinis quasi tentamento, irarum semen inter natum, matremque, Galliæ Reges. Qualem, Deus bone, is turbo tempestatem, quas hyemes ex nubes portendebant? Occurrit suorum votis DEVS: quamque solebat Cosmo mentem, pacandi terrarum orbis iniecit. Nihil moræ fuit. Eius labore potissimum, atque industria, innocenter tandem minax turbo ille detonuit. Neque vero huiusmodi longe curis intentus Cosmus, domestica negligebat. Subiectos populos, creditamque

ditamque suæ prudentiæ ditionem, admirabili caritate,
quæ parens est in rerum administratione, virtutum re-
liquarum omnium, non rexit verius ille, quam fouit.
Neque enim aptius ad incredibilem, suorum commodis assidue incubantem, diligentiam explicandam, vocabulum inuenio. Vni illi intentum curæ crederes. Adeo in eo cogitationes omnes defixerat, vt quos eius imperio populos subiecerat Deus, eos suo ipse labore, suis vigilijs subleuaret. In quo mihi vere Magni appellationem Ducis, si à maioribus hæreditariam non accepisset, suo sibi merito comparasse videretur. Quod vt magis ex sententia explicem, non ego fabulam, sed historiam narrabo. Hylas excellens Cæsaris Augusti ætate Pantomimus fuit: Is Pyladis, qui primus Romæ Pantomimicam fecit, discipulus, scenam, populumque Romanum, sæpe loquacibus illis, rotius corporis moribus detinuit, quibus, sine voce fabulas agere, eo sæculo mos erat. forte, die quodam, canticum, spectante Roma, saltabat, cui finem hæ voces imponebant. *Agamemnona Magnum*. Horum significationem, verborum, vt Hylas exprimeret, sublatis inuicem palmis, quasi sublimem procerumque menti se, summis ad extremum pedum digitis elatus, simulabat. Erat inter spectatores Pylades magister, erratumque discipuli non ferendum iudicauit, Principis magnitudinem eo autore, illam accipi, quam vlna, & cubito metimur. Exclamauit ergo è cauea, reliquis tacentibus. Apagete Hyla. Longum tu quidem Agamemnona mihi facis; magnum non facis. Ea vbi vox insonuit; consentientis clamore populi in scenam vocatur Pylades, idemque canticum de integro saltare cogitur. Paruit necessitati Pylades. Iam ad finem spectabat canticum, in-

*Macrob.
lib. 2. sa-
tur. c. 7.*

gensque erat populi expectatio, quo tandem potissimum
gestu, motuque corporis Principis magnitudinem, cuius
expressionem in discipulo reprehenderat, magister ex-
primeret. Tum ille, dum à tibicine, & succinente puero,
Magnus Agamemnon, exeunte iam cantico, nominatur,
compositus in speciem viri altissima cogitatione suspensi-
gradum premit. hæret demisso modo, modo erecto capi-
te, oculis abductis, immotoque obtutu defixis, consertis
pectinatim manibus, fronte nubila, ore cōpresso. Enim-
vero omnes theatri caueæ lætissimo plausu personare.
Hanc esse veram, scilicet Magni Ducis speciem, qua securis
alijs, vnus ipse, profunda cogitatione prospicere expri-
meretur. O verum, regnatoris orbis terræ, populi iudi-
cium. O te beatam Etruria; quæ quod in Pylade fictum
mirata olim Roma est, factum in Cosmo felicissime vi-
disti. Nihil diuino illi viro à publicis cogitationibus,
otij, publica caritas relinquebat. Viuere alijs memine-
rat, qui alijs præesset. Eorum necessitates ita toto pe-
ctore complexus erat, vt nemo se, eo viuente, orbem,
nemo debilem, nemo mancum, senserit. Ita ille omnia
omnium munera necessitudinum explebat. Non est
magnum quod dicam in Cosmo, quia vsitatum. Quod
tamen maximum erit satis scio, vbi vbi gentium audie-
tur. Quadraginta virorum, sceminarumque egentium
millia, sua ipse stipe, liberaliter alebat. Mirati estis Au-
ditores? Dicam amplius. vniuersum pene, durioris an-
nonæ tempore, suum imperium, effusus, quos maiores col-
legerant, thesauris sustentauit. Et quisquam mihi etiam
Magnum esse dubitabit? Iouem quidem Deorum illum
fabuloso Regem, maximum ea gratia dictum, sa-
pientissimi veterum docuere, quia is esset ad benefacien-
dum propensissimus. Ex quo Iouis, hoc est iuuantis nō-

men

men nactus esset. O te vere igitur, non Magnum, quod
æquo timidior oratio mea initio proposuit, sed omnino
Maximum Cosme: quia plane iuandis hominibus na-
tum. Quid ergo mirum si te, sibi sublatum, acerbissi-
me non Etruria modo, sed Italia omnis, orbisque Chri-
stianus luxerit? Hic fructus scilicet est veræ magnitu-
dinis, Auditores infixum cordibus; & caritati suorum,
etiã mortuum vivere: neque ullis vnquam tempori-
bus, aut famæ hominum, aut beatæ æternitati intermo-
ri. Quam quidem tibi æternitatem præclara, Dux ma-
gne, in omne hominum genus merita, & eximia in
Deum pietas peperere. Hæc ego pauca de Cosmo Me-
dice, magno Etruriæ Duce. Quem, si genetis, imperij-
que magnitudo, & amplissimum, tum priuatarum,
tum publicarum virtutum instrumentum; Ducem ma-
gnum non fecit: quid magnos faciat Duces neutiquam
videre me, ingenue profiteor. Quæ omnia quoniam
COSMVS ad suorum vtilitatem reuocauit; extrema
hac oratione, vno verbo colligam si dixero, suis eum
vixisse, non sibi: ita nunc non sibi mortuum esse, sed
suis, nisi quod suarum virtutum exempla FERDINAN-
DO filio ita reliquit: vt parentem in illo nobis resti-
tutum, iam nunc liceat, libeatque gratulari. Hanc
enim vestrorum, tacitam videre mihi videor præsen-
sionem animorum. FERDINANDVM Secundum,
Medicem, COSMI Secundi filium, non modo impe-
rij, sed virtutum etiã paternarum heredem certissi-
mum futurum. Eum sane, non solum nomen, (quod
faustum semper populis, in suis Regibus fuisse, tu quo-
que Mantua experimento tuo doces) sed auita vndique
exempla, siue quæ à MEDICEIS, siue quæ ab AV-
STRIACIS maioribus sunt, faustissimum orbi terræ
sidus

fidus exortum esse, pollicentur. Ego ad extremum, si
COSMO Secundo tumulum, qua si immortalitatis aram,
te volente ponam, Princeps Serenissime: in hunc mo-
dum inscribam.

COSMO MEDICI II.
MAGNO ETRVRIAE DVCI IV.

*Quem in summa generis, imperijq;
natum claritudine*

*nemo tamen nisi benefactis notum
habuit.*

*Vixisse nemo sciret nisi de omnibus
benemerendo*

vivere se omnibus testatus esset.

Lacrymas paras hospes? erras.

mortuum caue putes.

Neq; enim unquam

aut Pietas moritur, aut Liberalitas.

Aras posui, & dixi.

